



5. maj 2025

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Tasiilami Ittoqqortoormiini Qaanaamilu immap naqqatigut kabilimik siaarsinikkut attaveqaasiortoqarnissaa Naalakkersuisut pilersaarutigaa?
2. Pilersaaruteqartoqarsimappat tamanna qanoq naleqassava?
3. Illoqarfiit pineqartuni pingaarnersiuiinermi sorleq siulliunneqassava?
4. Immap naqqatigut kabilimik attaveqaasiortoqassanngippat suut allat periarfissat takorloorneqarpat?

(Inatsisartunut ilaasortaq Lars Poulsen, Siumut)

Tunngavilersuut:

Illoqarfinni pineqartuni qaammataasatigut attaveqaateqartoqarpoq. Pitsaassuseq pineqaraangat ajorluartumik sulit ullutsinnut naleqqutinngilluinnartumik attaveqaateqartoqarpoq, attaveeruttoortoqartillugu niuerniarsinnaaneq aningaaserivinni tiguisinnaaneq avammullu attaveqarsinnaaneq tamaat matuneqartarluni.

Sillimaniarneq upalungaarsimanerlu pineqartillugit naleqqutinngitsumik attaveqaateqarneq aaqqiivigineqarnissaanut Naalakkersuisut pilersaarutaat paasissallugu pisariaqarpoq.

Apeqqutigineqartut ullut suliffiusut qulit iluanni akeqquneqarput.